



ՀԱՅԱԳԻՏԱԿԱՆ ՀՐԱՏԱՐԱԿՈՒԹՅՈՒՆՆԵՐ

ԳԱՌՆԻԻ ՀԵԹԱՆՈՍԱԿԱՆ
ՀԱՄԱԿԱՌՈՒՅՑԻՆ ՆՎԻՐՎԱԾ
ԱՇԽԱՏՈՒԹՅՈՒՆ

Հայկական ՍՍՀ գիտությունների ակադեմիայի հրատարակչությունը վերջերս լույս ընծայեց հանգուցյալ ճարտարապետ Ալեքսանդր Արամի Սահիսյանի «Գառնիի անտիկ կառույցների ճարտարապետությունը» գիրքը: Հեղինակը սույն ծավալուն ուսումնասիրության մեջ հանգամանորեն վերլուծել է Գառնիի ճարտարապետական հուշարձանների հետ կապված մինչ այս չլուծված խնդիրները:

Պատմական Հայաստանի տարածքի վրա նախաքրիստոնեական շրջանում բավականին հարուստ է եղել հեթանոսական պաշտամունքի կառույցների ցանկը. Վան, Անի, Արմավիր, Երվանդաշատ Երվանդակերտ, Արտաշատ և այլն: Մատենագրական վկայություններից ենթադրվում է, որ այս կառույցների պցալի մասը իրենց ժամանակին համարվել են ճարտարապետական նշանակալից տեղ-ծագործություններ, բայց որոնք, ցավոք սրտի, համարյա չեն պահպանվել բնության տարերքի և այլ հանգամանքների հետևանքով:

Գառնիի պալատական համալիրից համեմատաբար լավ են պահպանվել պալատական դահլիճը և բաղնիքը:

1946 թվականին Հ. Մանանդյանը Գառնիի նորահայտ հունարեն արձանագրության մասին կարդացած իր վեկուցման մեջ նշում է. «Հայկական մեծ անցյալի այս փառահեղ մնացորդը հայ ժողովուրդը պետք է պահի ամենամեծ խնամքով: ...Կարելի է հուսալ, որ կգա մի օր, երբ վերականգնված Գառնիի տաճարը կդառնա Սովետական Հայաստանի հոյակապ պարզերից մեկը»:

Դեռևս 1880-ական թվականներին հնագետ կոմս Ուլարովի առաջարկությամբ նախա-

պատրաստվում էր տաճարի քարերի տեղափոխումը Թիֆլիս և վերականգնումը այնտեղ՝ Քրանսիացի նշանավոր գիտնական Ֆրեդերիկ Դյուբուա դե Մոնպերեի կապմած նախագծով: Սակայն Երևանի նահանգապետի հաղորդումը կանխում է այդ ծրագիրը. «...տաճարի մասերը այնքան մեծ են և ծանր, որ սայլերով կամ ֆուրգուններով տեղափոխել հնարավոր չէ»:

Գառնիի հեթանոսական տաճարը կառուցվել է մեր թվագրության Ա դարում: 1679 թվականին ավերվել է երկրաշարժի հետևանքով: Տաճարի ամբողջական վերականգնումը, հենց իր տեղում, ավարտվել է 1975 թվականին: Վերականգնման աշխատանքները ղեկավարել է սույն ժողովածուի հեղինակը՝ ճարտարապետ Ալ. Սահիսյանը:

Դեռևս ավերակ վիճակում դիտելով Գառնիի հեթանոսական տաճարը, հայ պատմական ճարտարապետության մեծագույն հետապոտող Թ. Թորամանյանը գրում է. «...այս կոթողը, եթե Հռոմի ծաղկյալ դարերուն Հռոմի մեջ կանգնեին՝ անկեց ավելի վաղեջություն և շքեղություն չէին կարող տալ»:

Գրքում հեղինակը վետեղել է 60-ից ավելի չափագրություններ, վերականգնության գծագրեր և 130-ից ավելի լուսանկարներ, որոնց շնորհիվ ժողովածուն ավելի ամբողջական է դառնում:

Սույն ժողովածուն անգնահատելի նվեր է հայկական ճարտարապետության պատմությանը հետաքրքրվողների համար:

Այստեղ տեղին է վետեղել Գևորգ Էմինի «Գառնո տաճարի առջև» բանաստեղծությունը՝ գրված Ալեքսանդր Սահիսյանի հիշատակին.

Աշխարհի բոլոր կոթողները հին
Կանգո՞ւն են լինում,
Շե՞ն ու հաստատո՞ւն.
Եվ հետո՞ միայն՝

Խարխվում, քանդվում,
Ավերակ դառնում:

Բոլորն անխտիր,—
Բացի այս մեկի՛ց,
Որ հակառակ է ծնունդ ու մահվան
Հաստատ օրենքին,
Ինչպես ամեն ինչ՝
Հակառակության ոգի այս հողում...

Դարեր՝ շարունակ
Այնքան շատ ենք մենք
Տեսել այս չքնաղ տաճարն... ավերակ,
Որ, թվում է, թե.
Նա, հենց այդպես էլ... ավեր է ծնվել,
Եվ միայն այսօր, մեր աչքի առջև
Կառուցվել, շինվել...

Կամ, թվում է մեզ,
Թե Տրդատ արքան
Բերել-թափել է քարերը նրա,
Երկու պատ շարել
Ու... թողել կիսատ
(Անթիվ տարիներ ու դարեր՝ անթիվ)

Մինչև... Սահիլյան Ալեքսանդր գա՛
Եվ... գործն ավարտի՛:

ՀԱՅ ՀԱՐՏԱՐԱՊԵՏՈՒԹՅԱՆ ՊԱՐԾԱՆՔ ԱՂԹԱՄԱՐԻ ՏԱՃԱՐԸ

Հայկական ՍՍՀ գիտությունների ակադեմիայի հրատարակչությունը, արվեստի ինստիտուտի գիտական խորհրդի որոշմամբ, լույս ընծայեց Ստեփան Խաչատուրի Մնացականյանի «Աղթամար» գիրքը: Աշխատությունը նվիրված է հայկական ճարտարապետության և արվեստի ամենանշանավոր կենտրոններից մեկին՝ անվուգական Աղթամարի տաճարին:

Աղթամարի տաճարը կառուցվել է Ժ դարում Գագիկ Արծրունի թագավորի և միջնադարի հայ նշանավոր ճարտարապետ Մանուելի կողմից: Այն իր կառուցողական և գեղագիտական առանձնահատկություններով աննախադեպ է հայ ճարտարապետության պատմության մեջ: Աղթամարի տաճարը իր ճարտարապետական, քանդակագործական և նկարչական ամբողջականությամբ չունի օրինակը նաև քրիստոնյա բոլոր ժողովուրդների

ճարտարապետական մշակույթի պատմության մեջ:

Աղթամարի տաճարի առաջին, համեմատաբար հիմնավոր հետազոտությանը ձեռնարկել է ազգագրագետ Երվանդ Լալայանը: Այնուհետև տաճարի ուսումնասիրությանը ձեռնարկել է Վ. Բախմանը, որն առաջինը եվրոպական աշխարհին ներկայացրեց տաճարն իր բոլոր հատկանշական կողմերով: Այս երկու հեղինակների աշխատությունները հիմք հանդիսացան Իոսիֆ Ստրժիգովսկու համար, որը հայկական ճարտարապետության պատմությանը նվիրված իր երկհատոր աշխատության մեջ հանգամանորեն ներկայացրեց Աղթամարի նշանավոր տաճարը:

1930-ական թվականներին Աղթամարի պատկերաքանդակներին անդրադարձել է Գարեգին Լևոնյանը:

1945 թվականին լույս է տեսել ֆրանսահայ հայտնի արվեստաբան Սիրարփի Տեր-Ներսեսյանի աշխատությունը՝ նվիրված հայրույանդական մշակութային առնչություններին: Այստեղ հեղինակը առանձնակի տեղ է հատկացրել Աղթամարի տաճարին:

Աղթամարին նվիրված ընդարձակ մենագրությամբ հանդես է եկել նաև Հովսեփ Օրբելին: Իր նշանակալից ուսումնասիրության մեջ Հ. Օրբելին հանգամանորեն լուսաբանել է Աղթամարի տաճարի և նրան հարակից շինությունների ճարտարապետությունը և տաճարը գոտևորող պատկերաքանդակները:

Իրենց ծավալուն ուսումնասիրություններով Աղթամարի վանքին անդրադարձել են հայ և օտար բազմաթիվ գիտնականներ. Լ. Դուրնով, Լ. Ավարյան, Դավիթ Տալբուտ Ռեյս և ուրիշներ:

Ստեփան Մնացականյանը իր սույն ուսումնասիրությամբ գալիս է նոր խոսք ասելու Աղթամարի վանքին նվիրված: Աշխատությունը բաղկացած է ծավալուն ներածականից և երկու մեծածավալ մասերից, որոնցից յուրաքանչյուրն ունի իր առանձին գլուխները: Գրքում պետեղված են շուրջ 110 գունավոր և սև-սպիտակ լուսանկարներ և գծագիր չափագրություններ:

Միջնադարի հայ ճարտարապետության գոհարներից մեկի՝ Աղթամարի տաճարին նվիրված սույն ուսումնասիրությունը նախատեսված է ճարտարապետների, արվեստաբանների և ընթերցող լայն շրջանների համար:

